



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Disp. IV. De simplici volitione

---

[urn:nbn:de:hbz:466:1-77355](#)

effectus, sed aliquod accidens illi adjunctum: A  
Nam quod aliquis perfundens aliquem aquam, abluat ipsum, non est circumstantia ablutionis, sed quod abluedo infrigidet, vel calefaciat, & sanet, vel noceat, hoc est circumstantia, inquit D. Thomas hic art. 3. ad 3. Circumstantia *Vbi* exprimit locum in quo sit actio; qui si sit publicus, reddit peccatum publicum & scandalosum; si sacer, facit illud esse sacrilegium, & Deo specialiter injurium, quia domum Dei decet sanctitudo. Circumstantia *Quibus auxiliis*, significat instrumenta seu media quibus operans utitur: v.g. si quis utatur auxilio infidelium ad aliquid bellum, si incantationibus magicis, si ope Dæmonum; illa praebent speciem malitiae distinctæ. Circumstantia *Cur* designat finem, non intrinsecum & qui se tenet ex parte operis (hic enim pertinet ad assentiam) sed extrinsecum, & ab ipso operante intentum, ut si quis fuerit propter adulterium, vel det elemosynam propter vanam gloriam. Circumstantia *Quomodo*, explicat modum quod actus fit, nempe tardè vel velociter, intense vel remissè; & hæc circumstantia communiter non mutat speciem, sed tantum modificat actum. Ultima denique circumstantia, scilicet *Quando*, significat tempus, in quo duo considerantur, scilicet qualitas temporis, & quantitas; qualitas, ut si sit dies festus, & quis non audiat missam, vel faciat opus servile; quantitas verò, ut si actus multum vel parvum duret; si enim sit diuturnitas valde notabilis, aggravatur notabiliter peccatum, non tamen mutatur species. De quo infra, cùm agemus de bonitate & malitia actuum humanorum.

## DISPUTATIO IV.

## De simplici volitione.

Ad questionem 8. D. Thoma.

**E**XPLICATIS conditionibus generalibus actuum humanorum, quæ sunt ratio voluntarij, ac liberi, & circumstantiae in communi, exponit S. Doctor singulos actus humanos in particulari, incipiendo ab illis qui sunt circa finem, & progrediendo in alios qui versantur circa media. Primus autem voluntarius actus circa finem, appellatur *voluntas* (nominis potest illi appropriato, sicut prima principiorum cognitionis nuncupatur *intellectus*) vel *simplex volitus*, quia habet objectum omnino simplex, nempe finem sumptum præcisè secundum se; cùm alij actus posteriores, vel respiciant finem in ordine ad media, ut intentio, vel media cum respectu ad finem, sicut *elektio*, *consensus*, & *usus*, atque ita non habeant objectum simplex, sed aliquo modo duplicatum. Licit autem D. Thomas de simplici volitione in hac quæstione principaliter intendat differere, plura tamen admiscet de ipsa potentia volitiva, quia exæcta hujus notitia ita requirit.



## ARTICULUS PRIMUS.

An objectum voluntatis, aut simplicis volitionis, sit solum bonum, vel indifferens ad bonum & malum?

**L**ICET omnes ferè Theologi & Philosophi tanquam generale principium, ab omnibus sapientibus admissum, recipiant, voluntatem non esse nisi boni, & omnia bonum appetere: sunt tamen aliqui Nominales, qui putant voluntatem posse ferri in malum, sub ratione mali, & ita adæquatum ipsius objectum non esse bonum, sed indifferens ad bonum & malum. Scotus etiam in 1. dist. 1. quæst. 4. aliisque in locis, circa hoc videatur antecip & dubius, atque non esse sufficienter hucusque probatum, quod voluntas non possit odio habere bonum, & velle malum sub ratione mali.

## S. I.

Conclusio negativa statuitur.

**D**ICO tamen: Solum bonum, ut abstrahit à vero vel apparenti, esse objectum voluntatis, seu simplicis volitionis: unde licet voluntas affectu prosecutionis posset ferri in bonum aliquid apparend, quod revera malum est, non tamen in malum cognitum ut tale.

Probatur primò ex Aristotele qui i. Ethic. cap. 1, tanquam fundamentum totius moralis scientiæ ponit illud principium: *Bonum est quod omnia appetunt*: Sed illud esset falsum, si voluntas affectu prosecutionis posset ferri in malum, sub ratione mali, & si ejus objectum esset aliquid abstrahens à bono & malo: Ergo &c.

Confirmatur ex SS. Patribus: Dionysius enim cap. 4. de divin. nominibus, docet quod malum est præter voluntatem, & quod omnia bonum appetunt, ut refert D. Thomas hic art. 1. in arguimento *sed contra*. Et Augustinus in Enchir. cap. 86. sic ait: *Beati esse voluntus; & miseri non solum esse nolumus, sed neque velle possumus*. Item Boëtius 4. de consolat. prola 2. *Omnes (inquit) homines, boni pariter ac mali, indiscretâ intentione ad bonum pervenire nituntur*.

Respondent Nominales, Aristotelem, & SS. Patres, nomine boni & mali intellexisse idem quod appetibile & odibile.

Sed hæc interpretatio absurdæ est: nam si in hoc sensu Aristoteles & SS. Patres locuti essent, nugatoria esset eorum locutio: cùm enim dicunt solum bonum esse appetibile, & solum malum odibile, sensus esset, solum appetibile esse appetibile, & solum odibile esse odibile.

Probatur secundò conclusio: De potentia volitiva, & illius actibus, eo ferè modo, proportione servata, philosophari oportet, quod de intellectiva, & operationibus ejus: Sed objectum adæquatrum intellectus est ens ut verum, non verò ens ut abstrahens à vero vel falso: Ergo pariter objectum adæquatrum voluntatis, subinde que primæ operationis illius, erit ens ut bonum, non verò ut abstrahens à bono & malo, seu à convenienti & disconvenienti. Unde sicut intellectus non potest assentiri falso, nisi sub ratione veri; ita nec voluntas potest prosequi malum, nisi sub ratione boni, seu ut vestitum bonitate aliquâ, verâ, vel apparent.

Pro-

Probatur tertio conclusio ratione D. Tho-  
mæ. Voluntas, sumpta pro volitione, seu actu  
volendi, est quidam appetitus rationalis: Sed  
omnis appetitus tendit in bonum: Ergo & om-  
nis volitio. Major patet, Minor probatur. Ap-  
petitus nihil aliud est, quam quædam appetentes  
inclinatio in aliquid: Sed nihil inclinatur nisi  
ad id quod est sibi conveniens, & per consequens  
bonum: Ergo appetitus non est nisi boni. Hæc  
tamen, subdit S. Doctor, est differentia inter  
appetitum naturalem, & appetitum rationalem,  
quod appetitus naturalis semper fertur in ve-  
rum bonum, ac verè conveniens ipsi appetenti;  
appetitus autem rationalis non semper fertur in  
verum bonum, ac verè conveniens ipsi appre-  
tentis, sed sœpe fertur in bonum tantum appa-  
rens, quod est simpliciter malum ac inconve-  
niens appetenti. Cujus differentia ratio est, quia  
appetitus naturalis consequitur formam natura-  
lem, qua tendit semper ad suam perfectionem,  
ac proinde ad verum bonum, & verè ipsi conven-  
iens; appetitus autem rationalis consequitur  
formam apprehensam: constat autem quod ali-  
quid potest apprehendit ut bonum & conve-  
niens, quod in se nec est bonum nec conveniens.  
Ex qua differentia solvuntur plura argumenta  
adversæ sententiae, quæ solum probant voluntati  
posse ferri in malum apprehensum sub ra-  
tione boni, ut ex solutione argumentorum pa-  
tebit.

## S. I I.

## Solvuntur objectiones.

4. **O**BICTIES primò: Si bonum esset objectum  
adæquatum voluntatis, ipsa nullum posset  
habere actum qui verteretur circa malum: Sed  
hoc est falsum, ut patet in actu nolitionis & fu-  
gæ: Ergo &c. Sequela probatur: quia nullus  
actus potentia potest se extendere extra ob-  
jectum adæquatum illius.

5. Respondeo, negando sequelam Majoris: nam  
sœpe potentia & habitus operantur per modum  
recessus & fugæ circa contrarium sui objecti, v.  
g. intellectus respuit falsum, & habitus justitiae  
actum injustitiae, &c. Unde D. Thomas h[ic] art.  
1. ad 1. *Voluntas se habet & ad bonum & ad*  
*malum, sed ad bonum appetendo ipsum, ad ma-*  
*lum vero fugiendo illud.* Nec propterea voluntas  
se extendit extra suum objectum adæquatum,  
quia quando fugit malum, quodammodo opera-  
tur propter bonum; ex eo enim malum fugit,  
quia bonum appetit: v. g. idem quis odit mor-  
tem aut ægritudinem, quia amat vitam & san-  
itatem. Sicut ergo ens dicitur objectum formale  
adæquatum intellectus, quamvis intellectus pos-  
sit cognoscere negationes & privationes, que-  
sunt non entia, ex eo quod illæ cognoscantur  
sub ratione entis ex parte modi cognoscendi, &  
ad illud per se ordinentur: & sicut Deus est ob-  
jectum formale adæquatum Theologiae, quamvis  
aliquis actus Theologiae verteretur circa crea-  
turas, quia illæ non considerantur aut attingun-  
tur à Theologia, nisi in ordine ad Deum: ita  
quia voluntas, dum per actum nolitionis fugit  
malum, illud fugit sub ratione alicujus boni,  
idem semper stat objectum formale adæquatum  
voluntatis esse bonum.

6. Objicies secundò: In odio inimicitiae, quod vo-  
lumus malum inimico, volumus malum sub ra-  
tione mali formaliter: Ergo voluntas potest ferri  
in malum sub ratione mali. Consequentia patet.

Tom. III.

A Antecedens probatur, tum ex D. Thoma qu. 12.  
de malo art. 4. ubi ait: *Odium querit malum pro-*  
*ximi sub ratione mali, & invidia contrariantur bo-*  
*nno proximi sub ratione boni.* Tum etiam hac ratio-  
ne. Odium inimicitiae opponitur directè amori  
amicitiae: Sed amor amicitiae vult bonum amico,  
quatenus est bonum illi: Ergo odium inimicitiae  
vult malum inimico, formaliter quâ malum il-  
lius est.

Respondeo, odium inimicitiae respicere malum  
sub ratione mali proximi, sed non absolute sub  
ratione mali: quia malum & destrucción inimici  
apparentiam boni habet respectu odientis, & sub  
illa apparentia & representatione appetitur; si-  
cūt econtra bonum alterius ut crescentis, inviden-  
ti appetit malum. Unde D. Thomas non dicit  
quod odium querat malum absolute sub ratione  
mali, sed malum proximi: in quo directè oppo-  
nitur amori amicitiae, quæ vult bonum amico,  
quatenus illi bonum est.

Objicies tertio: In hoc differt peccatum ex &  
malitia à peccato ex ignorantia, vel passione,  
quod ille qui peccat ex malitia, vult malum sub  
ratione mali; ille autem qui peccat ex ignorantia,  
vult malum credens esse bonum; qui verò ex  
passione, vult malum ex ipso impetu boni sensi-  
bilis attrahentis: Sed voluntas aliquando peccat  
ex malitia, ut quando vidit Deum: Ergo interdum  
vult malum sub ratione mali.

Confirmatur ex D. Thoma infra qu. 19. art. 7.  
C ad 2. ubi ait: *Qui vult dare eleemosynam propter*  
*inanem gloriam consequendam, vult id quod de*  
*se est bonum, sub ratione mali.*

D Ad objectionem respondeo, negando Major-  
em: non enim idem dicitur peccare ex  
malitia, quia vult malum sub ratione mali, sed  
quia peccat cum perfecta cognitione malitiae &  
deformitatis; quod non contingit in illis qui  
peccant ex ignorantia, vel ex passione, quia igno-  
rantia & passione intellectus impeditur ne maliti-  
am actus perfectè cognoscat. Ille ergo qui  
peccat ex malitia, apprehendit quidem malitiam  
& deformitatem actus, & ex hoc dicitur pecca-  
te ex malitia; illud tamen quod movet ejus vo-  
luntatem, est bonum delectabile, vel utile, quod  
apprehendit in actione peccaminosa.

E Ad confirmationem dicatur D. Thomam lo-  
co citato solum velle, quod ille qui dat eleemo-  
synam propter inanem gloriam, vult id quod de-  
se est bonum, sub ratione mali moralis, nempe  
inanis gloria; non tamen sub ratione mali ut sic,  
quia tunc intendit honorem, quem bonum quod-  
dam naturale reputat.

F Objicies quartò: Potest aliquis appetere non  
esse, ut patet in damnatis, & in illis qui ex despe-  
ratione se occidunt: Sed non esse non potest ap-  
peti sub aliqua ratione boni; cum omnis bonitas  
fundetur in entitate & existentia rei: Ergo  
potest aliquis appetere malum sub ratione mali.

Respondeo concessa Majori, negando Minore:  
nam ut ex Aristotele docet D. Thomas h[ic] art.  
1. ad 3. *Carere malo, habet rationem boni;* unde  
cum non esse possit apprehendit, & de facto ap-  
prehendatur à damnatis & miseris, ut medium  
conducens ad carentiam mali, seu ad liberatio-  
nem à miseria & pœna, apprehenditur & appre-  
tit sub aliqua ratione boni, non absoluta, sed  
respectiva.

G Addo quod, cum beatitudo duo includat,  
unum positivum, scilicet esse cumulum omnium  
bonorum, & aliud privativum, nempe carere

omni miseriā, potest appeti duobus modis: prīmo per modum prosequotionis boni; & hoc contingit, quando aliquis appetit possidere aut obtinere positivē aliquod bonū; secundō per modum remotionis mali, sicut quando aliquis desiderat carere aliquā miseriā; & hoc secundo modo ipsi damnati & miseri, dum appetunt non esse, querunt beatitudinem, quatenus tunc optant carere omni miseriā.

II.

Objicītus ultimō: Voluntas est libera libertate contrarietatis circa bonū & malū, juxta illud Eccl. 15. *Ante hominem vita & mors, bonum & malum, quod placuerit ei, dabitur illi:* Ergo potest indifferenter velle bonū & malū.

Respondeo, quod licet voluntas sit libera libertate contrarietatis, in ordine ad quocumque bonū & malū particulare & limitatum, subindeque possit indifferenter illud velle aut nolle, non tamen circa bonū & malū ut sic, sed est determinata ab auctore naturae ad amandum bonū ut sic, & ad odiendum malū ut sic: unde ad libertatem voluntatis non requiritur quod per auctum prosequotionis possit ferri in malū sub ratione mali, sed sufficit quod possit velle malū sub ratione boni: juxta illud Augustini in Enchir. cap. 105. *Nec enim culpanda est voluntas, nec dicendum, aut voluntas non est, aut libera non est, quia beati esse sic volumus, ut esse miseri non solū nolimus, sed nequaquam prorsus velle possumus.*

## ARTICVLVS II.

*An bonitas finis sit non solum objectum primarium & principale voluntatis, sed etiam totale & adequatum?*

**P**A R T E M affirmativam tenent aliqui ex nostris Thomistis, existimantes in mediis nullam inventari bonitatem intrinsecam, sed illa extrinsecè tantum denominari bona à bonitate finis; sicut medicina dicitur extrinsecè sana à sanitate animalis, cuius est effectiva: unde volunt bonum respectu finis & medijs esse analogum analogiā tantum attributionis seu proportionis.

## S. I.

*Sententia negans, ut probabilior eligitur.*

12. **D**ico tamen: Media gaudere bonitatem intrinsecā, diminuta, ac dependente à bonitate finis; & per consequens finem esse quidem objectum primarium & principale voluntatis, non tamen adaequatum & totale. Ita videatur docere Divus Thomas h̄c art. 2. ut patebit ponderanti ejus verba: Nam in primis loquens de objecto adaequato voluntatis, ut potentia volitiva est, dicit: *Quod voluntas se extendit ad finem, & ad ea que sunt ad finem: ad ea enim se extendit una queque potentia, in quibus inveniri potest ratio sui objecti; sicut visus se extendit ad omnia que participant quocumque modo colore: ratio autem boni, quod est objectum voluntatis, invenitur non solum in fine, sed in his qua sunt ad finem.* Deinde in calce corporis articuli, docet quod sicut intellectus respicit conclusiones, ut in eis relucet principia; ita voluntas fertur in media, prout in eis relucet ordo ad finem; sic enim se habet finis in appetibiliis, sicut principium in intelligibiliis. Et in solut. ad 2. ait quod medium se habet respectu finis, sicut color respectu lucis: Sed

A. constat conclusiones in se habere veritatem & cognoscibilitatem intrinsecam, dependentem tamen à veritate principiorum, eique subordinatam; & similiter colorem esse actu visibilem, licet dependentem à luce in exercito movendi visum: Ergo ex D. Thoma media gaudent bonitate intrinseca, diminuta tamen, ac dependente à bonitate finis, ratione cuius pertinent ad objectum secundarium & minus principale voluntatis: sicut intellectus non solum habet pro objecto principia, sed etiam conclusiones; vel sicut visus non solum habet pro objecto lucem, sed etiam colorem.

Favet etiam Aristoteles lib. i. magnorum Moralia cap. 5. ubi sic habet: *Bonorum quedam sunt fines, alia vero non:* Sed quae non sunt fines, haud dubie media sunt: Ergo ex Aristotele non solum finis, sed etiam media, sunt verē & intrinsecē bona.

Ratio etiam id suadet: Media enim ratione propriæ naturæ habent ordinem, proportionem, & coaptationem in finem; nam medicinæ habent vim naturalem & proportionem ad temperandum humores, & restituendam sanitatem: Ergo gaudent bonitatem intrinsecā, ratione cuius pertinent ad objectum secundarium & minus principale voluntatis. Consequentia probatur, tum exemplo materia prima, qua ratione ordinis ad formam, & capacitatē eius, dicitur bona, ut docent Philosophi in physica, & colligunt ex Divo Thoma i. p. quæst. 5. art. 3. ad 3. ubi ait: *Materia prima participat aliquid de bono, scilicet ipsum ordinem vel aptitudinem ad bonum.* Tum etiam quia bonum idem est quod appetibile, seu convenientis appetitū: Sed media ratione proportionis & coaptationis in finem, movent formaliter appetitū, & terminant eius actum, qui est electio; quare quanto major proportio & efficacia est in mediis ad obtinendum finem, tanto magis appetuntur & eliguntur: Ergo ratione illius ordinis, proportionis, & coaptationis in finem, gaudent bonitatem intrinsecā in ordine ad illum. Unde D. Thomas 2. 2. quæst. 33. art. 6. ad 3. *Ea que ordinantur ad finem, habent rationem boni ex ordine ad finem.*

Addo quod, sicut virtus existens in lapide, per quam tendit in centrum, est quædam participatio virtutis conservativa lapidis existentis in eodem centro; id est quæcumque cùm lapis moveretur deorsum, eod velocius moveretur, quod magis ad centrum approximat, quia per approximationem ad suam causam, virtus prædicta quodammodo confortatur & roboretur ad caufandum predictum motum, ut docet Aristoteles i. de cœlo textu 38. & ibi Divus Thomas lect. 17. Ita utilitas, per quam media ducunt in finem, est quædam participatio convenientia & bonitatis ipsius finis; unde illud medium utilius est ad finem aliquem, quod magis ad illum appropinquat, quodque magis participat de ipso fine: Ergo si media ab intrinseco habeant utilitatem, ordinem, proportionem, & coaptationem in finem, gaudent etiam bonitatem intrinsecā, non absoluta, sed respectiva, ac dependente à bonitate ipsius finis. Quare S. Doctor in 2. dist. 21. qu. 1. art. 3. loquens de bonitate mediiorum, & distinguens illam à bonitate finis, sic ait: *Aliiquid tamen est quod in se bonitatem habet, non tamen appetitur, si absolute consideratur, sed ex ordine ad finem, bonitatem quandam sortitur, que utilitas nominatur.*

Potest etiam suaderi seu confirmari conclusio alia ratione assumpta ex eodem Angelico Do-

**A**ctore t. p. quæst. 5. art. 6. Intantum aliquid est bonum, in quantum est appetibile, & terminus motus appetitus: Sed media ut talia terminant secundum quid, sive aliquo modo motum appetitus, finis verò simpliciter & ultimò eum terminat: Ergo media gaudent bonitate intrinsecā, diminuta, & secundum quid; finis verò simpliciter, & ab solutè bonus est. Major patet. Minor verò declarat D. Thomas exempliō motus corporalis: *Terminatur autem (inquit) motus corporis naturalis simpliciter quidem ad ultimum; secundum quid autem etiam ad medium, per quod itus ad ultimum quod terminat motum, & dicitur aliquid terminus motus, in quantum aliquam partem motus terminat..... Sic ergo in motu appetitus, id quod est appetibile, terminans motum appetitus secundum quid, ut medium per quod tenditur in aliud, vocatur uile; id autem quod appetitus ut ultimum, terminans totaliter motum appetitus, sicut quadam res in quam per se appetitus tendit, vocatur honestum, quia honestum dicitur quod per se desideratur.*

## §. II.

## Solvuntur objectiones.

**16.** **O**BIICIVNT in primis Adversarij plura Aristotelis & D. Thomæ testimonia, in quibus rationem & nomen boni soli fini attribuunt, bonumque cum fine converti sepe assertunt.

Verum facile responderet, eos loqui de bono simpliciter & absolutè; illud enim cum fine coincidit, & cum illo convertitur, non autem de bono ut sic, & prout abstrahit à bono simpliciter & secundum quid; à primario & secundario, absoluto & respectivo: sic enim ratio boni non solum fini, sed etiam mediis intrinsecè convenit, ac de illis prædicatur.

**17.** Instant Adversarij, & adducunt aliqua Divi Thomæ loca, in quibus aī media non appeti propter aliquam bonitatem in eis existentem.

Sed hæc etiam facile solvuntur, dicendo S. Doctorem his locis non negare mediis omnem bonitatem intrinsecam, sed solum primariam & absolutam, quæ est propria finis. Unde quando ait i. p. quæst. 5. art. 6. ad 2. *Vtilia non habere in se unde desiderantur, sensus est, non habere unde desiderantur propter se, & sistendo in se, quamvis habeant intrinsecam bonitatem & appetibilitatem propter aliud, ut denotant verba subsequentia, sed desiderantur ut sunt ducentia in alterum.* Similiter cùm qu. 21. de verit. art. 1. dicit quod tota ratio appetibilitatis ejus quod est ad finem, est finis, loquitur de appetibilitate, quæ constituit rationem omnino formalem & motivam appetitus, cuiusmodi est sola bonitas finis: non excludit tamen aliam intrinsecam appetibilitatem, per quam media secundariò & dependenter à fine terminant suo modo appetitum, ut patet ex locis suprà relatis.

Urgebis: D. Thomas suprà qu. 1. art. 1. probat omnes actiones humanas esse propter finem, ex eo quod finis sit objectum voluntatis: At si finis non esset objectum illius adæquatum, sed primarium solum & principale, hic discursus non valeret; cùm omnes actus alicuius potentia non tendant in ejus objectum primarium & principale, sed aliqui versentur circa objectum duntat secundarium & minùs principale: Ergo juxta principia doctrinae D. Thomæ, finis est objectum totale & adæquatum voluntatis; subinde-

que ille solus est intrinsecè & formaliter bonus, media verò denominativè solum & extrinsecè.

Respondeo concessa Majori, negando Minorē: ut enim discutus D. Thomæ sit legitimus, sufficit quod ratio formalis *sub qua*, seu objectum formale quod adæquatum voluntatis, sit finis, licet media pertineant ad objectum secundarium illius, subindeque gaudent bonitate intrinsecā: nam ex hoc rectè infertur omnes actus humanos dependere à fine, sicut à motivo & ratione *sub qua*. Sicut licet colores pertineant ad objectum formale terminativum visus, quia tamen lux est ratio formalis *sub qua* adæquata illius, & colores non habent vim immutandi visum, nisi dependenter à luce, bene colligitur omnis quævidetur, videri mediante luce. Quo exemplo utitur S. Doctor h̄c art. 2. ad 2. ubi docet media ut habere respectu finis, sicut colores respectu lucis: colores autem habent visibilitatem intrinsecam, dependentem tamen à luce, ut ab objecto motivo & ratione *sub qua*: Ergo patiter media, ratione proportionis & coaptationis quam habent cum fine, gaudent bonitate intrinsecā, licet imperfecta ac diminuta, & à bonitate finis, ut à causa motiva dependente, ei que subordinata.

**C** Objicies secundò: Tota ratio medijs consistit in tendentia & relatione ad finem: At relativa, ut talia, nullam dicunt bonitatem aut perfectiōnem, ut in tractatu de Trinitate ostendimus: Ergo media ut talia, nullam habent in se bonitatem.

Respondeo, media ut sic, esse relativa transcendentalia, non prædicamentalia; licet enim fundent relationem prædicamentalem, non tamen propriæ eorum ratio in illa consistit, sed in eo quod ipsam fundat: quamvis autem relatio prædicamentalis secundum rationem ad non exprimat perfectionem, ut diximus loco citato, relatio tamen transcendentalis potest ipsam importare. Et ratio discriminis sumitur ex utriusque relationis natura: nam prædicamentalis est purus respectus ad aliud tanquam ad purum terminum, in quo proinde nulla convenientia neque ad subjectum, neque ad ipsum terminum, neque ad appetitum importatur; & ita ex nullo capite perfectionem vel bonitatem explicat: transcendentalis verò, quamvis relatio nuncupetur, revera est forma absoluta; & licet ordinetur ad aliquid extrinsecum, aut ab illo dependeat, non tamen est purus respectus, sed dicit vel influxum in terminum, vel proportionem & commensurationem cum eo, vel participatiōnem ab ipso, vel alias similes rationes, quæ convenientiam & appetibilitatem importare possunt.

E Objicies tertio: Movere & allicere voluntatem, est propria causalitas finis, ut docent Philosophi 2. Physicorum: Ergo nequit convenire mediis, nec subinde bonitas intrinsecā.

Respondeo causalitatem finis, secundum quod à mediis distinguitur, non esse utcumque movere & allicere voluntatem, sed movere illam primariò, & propter se: media autem quamvis habeant vim intrinsecam movendi, non tamen primariò & propter se, sed secundariò & propter finem, ac dependenter & participative ab illo.

## §. III.

## Corollaria ex dictis.

**E**X dictis colligitur primò, bonum analogicè convenire fini & mediis, non solum analogicè

S. ij

22.

già attributionis, sed etiam analogiâ proportionalitatis: quia in mediis inventur intrinsecè ratio boni, quæ ad movendum & excitandum appetitum proportionaliter se habet sicut bonitas finis, cum discrimine tamen in solutione præcedentis argumenti adducto.

23. Colligitur secundò, hoc esse discrimen inter voluntatem sumptam pro potentia volitiva, & pro primo ejus actu, qui *simplex volitio* appellatur, quòd in prima aceptione habet pro objecto adæquato bonum ut sic, abstrahens à bono finis & medij, in secunda verò respicit solum finem ut objectum adæquatum. Ita D. Thomas hic art. 2. ubi sic ait: *Si loquamus de voluntate secundum quòd nominat potentiam, sic se extendit ad finem & ad ea que sunt ad finem. . . . si autem loquamus de voluntate, secundum quòd nominat propriè actum, sic propriè loquendo est finis tantum: scilicet quia voluntas, ut nominat actum, & simplicem volitionem significat, fuit in id tantum, quod est objectum per se potentia; atque adeò quia objectum per se voluntatis est finis tantum (nam ea que sunt ad finem non sunt bona, vel volita propter seipsa, sed tantum ex ordine ad finem; cùm solum bonitate diminuta & respectiva gaudeat, ut suprà ostensum est) simplex volitio respicit solum finem, non verò media; sicut primus actus potentia intellectiva, qui dicitur *intellectus seu intelligentia*, non respicit conclusiones, sed prima principia. Unde Philosophus 3. Ethic. cap. 2. ait: *Voluntas est finis: electio autem eorum que sunt ad finem. Qua verba exponens D. Thomas hic in solut. ad i. dicit, quod ibi Philosophus loquitur de voluntate secundum quòd propriè nominat simplicem actum voluntatis, non secundum quòd nominat potentiam.**

24. Colligitur tertio, omnem actum voluntatis necessariò versari circa finem, vel circa media; atque adeò non posse dari actum neutrū, qui neque ad finem, neque ad media terminetur, sed ad aliquid ab eis abstractum, vel distinctum. Ita communiter Theologii contra Scotum in 2. dist. 1. quest. 3. ubi ponit differentiam inter actum intellectus & voluntatis, quòd in intellectu non potest esse aliquis assensus, qui non sit vel circa principia, vel circa conclusiones, quia nulla est evidētia ex parte objecti media inter has duas: in voluntate autem dicit quòd est aliquis actus medius, qui potest ostendit voluntati aliquod objectum, quod neque sit propter se bonum, neque propter aliud; unde hunc actum *neutrū* appellat, & dicit esse medium inter fruitionem & usum, nomine *fruitionis* comprehendendo omnem actum qui versatur circa bonum propter se, & nomine *usū* omnem actum qui versatur circa bonum propter aliud, ut expressis terminis declarat ibidem §. *quantum ad primum*. Unde leviter & inconfidere dixit Vazquez hīc disput. 32. cap. 1. Scotum illum actum medium seu neutrū non admisissé, sed in hoc ei imponi à Cajetano & Thomistis: qui enim attētē Scotum legerit, plane cognoscet nihil ei imponi à Thomistis, sed ipsum revera hunc actum neutrū seu medium posuisse. Sed quicquid sit de hujusmodi opinione patronis:

25. Probatur corollarium ex dictis: Objectum adæquatum voluntatis est bonum, ut articulo præcedenti ostendimus: Sed bonum non est nisi triplex, scilicet honestum, delectabile, & utile; ex quibus duo priora habent rationem finis, & sunt appetibilia propter se, posterius verò habet

A rationem medij & appetibilis propter aliud: Ergo non potest dari aliquis actus voluntatis, qui non sit de fine vel de medio.

Hinc sumitur alia ratio quasi à priori, quam tradit Cajetanus in introductione hujus quæstionis. Inter opposita contradictoriè non datur medium: Sed appetibile propter se, & appetibile propter aliud, sunt contradictoriè opposita: Ergo inter illa non datur medium.

Hanc rationem impugnat Vazquez ubi suprà: quia (inquit) opposita contradictroria non reperitur inter extrema positiva, sed inter positivum & negativum: bonum autem appetibile gratiâ sui, & bonum appetibile gratiâ alterius, sunt extrema positiva.

Verùm ille Author vim prædictæ rationis, & Cajetani mentem non penetravit. Nam licet oppositio contradictroria non reperiatur formaliter nisi inter positivum & negativum, hoc tamen non impedit quominus in duobus extremis positivis virtualiter contradictrio implicetur; quatenus unum dicit formaliter aliquid positivum, cuius aliud ex sua ratione formaliter fundat negationem: quod patet in motu sursum & deorum; nam motus deorsum dicit tendentiam ad centrum mundi, cuius negationem fundat motus sursum ex sua formalis ratione. Quamvis ergo bonum amabile gratiâ sui, & bonum appetibile gratiâ alterius, sint positiva, hoc non impedit quominus implicitè & virtualiter includant contradictionem, quatenus unum dicit formaliter aliquid positivum, cuius aliud in quantum hujusmodi fundat negationem. Et hoc est quod intellegit Cajetanus, dum dicit amabile propter se, & amabile propter aliud, esse opposita contradictroria.

Addo quòd finis & medium opponuntur relativè; finis enim dicitur per ordinem ad medium, & medium per ordinem ad finem: Sed inter opposita relativè non datur medium, ut inductive patet: Ergo inter finem & media.

Dices cum Scoto: *Intellectus potest proponere voluntati bonum absolutè, abstractando à fine & à mediis, seu à bono propter se, & bono propter aliud; bonum enim potest concipi ab intellectu in universalis & abstractè, & sic proponi voluntati: Ergo voluntas potest circa bonum habere actum medium, seu neutrū, qui non sit finis, nec mediorum. Consequentia patet: quia si objectum abstracti ab utroque, etiam actus abstractus, quandoquidem actus sequitur objectum.*

Confirmatur: In voluntate datur actus simplicis volitionis, qui nec est circa media, ut patet; cùm nondum supponat finem intentum, ratione cuius diliguntur media; nec circa finem, cùm nullum ordinem dicat ad media: Ergo in voluntate potest dari, & de facto datur actus neuter, qui nec est circa finem, nec circa media.

Ad objectionem respondeo primò, negando Majorem: intellectus enim non potest ostendere voluntati bonum abstractum, quod non sit appetibile propter se, aut propter aliud; quia bonum est analogum, ac proinde non potest ita abstracti ab illis duabus rationibus, quòd illas saltem implicite non includat.

Respondeo secundò, dato quòd ratio boni possit abstracti ab illis duabus rationibus, & sic ostendi voluntati, non posse tamen voluntatem ab ea moveri; utpote cùm huiusc rationis ostensio in illo casu foret mere speculativa. Probatur hoc primò: quia bonum non movet voluntatem, nisi ut existens, aut dicens ordinem ad ex-

stentiam: sumptum autem præcisè in communi, secundum rationem universalem, non involventem particulares, nec est existens, nec possibile existere: Ergo nec potest voluntatem movere.

Secundò probatur: Bonum non movet præcīcē, nisi in quantum exercet rationem convenientiam ad appetitum: Sed non potest exerceri iste ordo, nisi bonum sit conveniens, vel ratione sui, vel ratione alterius, & consequenter vel propter se, vel propter aliud: Ergo bonum abstrahens ab utroque, nequit præcīcē movere.

Explicatur magis: Sicut licet actus humanus secundum se abstrahat à circumstantiis, & ita secundum se, & ex ratione & quidditate sui objecti possit esse indifferens; ita individuo tamen non potest abstrahere à circumstantiis, & sic debet determinatē esse bonus vel malus, ut docet S. Thomas infrā qu. 18. art. 9. Ita licet bonum secundum se, & in abstracto, non dicat quod sit bonum propter se, vel propter aliud, sed tantum quod sit perfectum & appetibile; in exercitio tamen non potest movere, & præcīcē proponi ab intellectu, nisi proponatur vel ut diligendum gratiā sui, quod est ipsum proponi ut finem in actu exercito; vel ut diligendum in ordine ad alterum, quod est ipsum proponi ut medium in actu exercito. Unde

33. Ad confirmationem dicatur, actum simplicis voluntatis esse circa finem, non respectivē seu comparativē sumptum, sed ab solutē & secundūm se consideratum, seu ut gratiā sui amabillem: finis enim duo habet, nempe quod sit appetibilis gratiā sui, & quod sit ratio appetendi alia qua in ipsum ordinantur; sub prima ratione, terminat actum simplicis voluntatis, sub altera vero attingitur ab actu intentionis, non à simplici volitione, ut patebit ex dicendis corollario sequenti.

34. Colliges ultimō: sex esse tantum actus humanos à voluntate elicitos, nempe volitionem, fruitionem, intentionem, consensum, elecciónem & usum: de quibus agit D. Thomas ab hac questione usque ad 16.

Probatur: Omnis actus humanus à voluntate elicitus, vel est circa finem, vel circa media: At circa finem sufficienter constituantur tres actus, nempe volatio, fruitio, & intentio; & circa media sufficiunt alij tres, scilicet consensus, elección, & usus: Ergo non sunt plures quam sex. Major pater ex dictis corollario præcedenti. Minor quoad primam partem probatur. Voluntas vel fertur in finem absolute, & sic constituitur simplex volatio; vel ut quiescens in fine, & sic constituitur fruitio; vel quatenus finis est terminus alicuius quod in ipsum ordinatur, & sic constituitur intentio: Ergo circa finem solum tres actus versantur, nimirum volatio, fruitio, & intentio. Suadetur etiam quoad secundam: Nam vel voluntas vult media absolute, & sic constituitur consensus; vel vulnun medium pra' alio, & sic constituitur elección; vel media applicat ad aliquid, & sic ponitur usus, seu applicatio potentiae executivae ad opus: Ergo non sunt plures actus à voluntate eliciti circa media, quam tres assignati; nempe consensus, elección & usus.

Dices: Nullus est actus in appetitu sensitivo, cui non corresponeat simili in voluntate: Sed in appetitu sensitivo sunt undecim actus, quos passiones appellamus, nempe amor & odium, desiderium & fuga, delectatio & tristitia, spes

A & desperatio, timor & audacia, ac ira, ut docet D. Thomas infrā qu. 23. art. 4. Ergo tot etiam erunt actus in voluntate, & non solum sex quos enumeravimus.

Respondeo, verum esse dari ex parte voluntatis actus, respondentes illis qui sunt in appetitu sensitivo; sed nego illos inter se eandem servare distinctionem & numerum: multa enim, quae in inferioribus sunt dispersa, reperiuntur adunata in superioribus: unde sicut ea quae pertinent ad diversos sensus inferiores, à sensu communi percipiuntur; sic voluntas per sex actus enumeratos fertur ad ea, quae appetitus sensitivus per undecim actus, quos passiones appellamus, attingit.

In articulo 3. querit D. Thomas, utrum voluntas eodem actu moveatur in finem, & in id quod est in finem? Sed de hoc redibit sermo infrā qu. 12. art. 4.

## DISPUTATIO V.

### De Motivo voluntatis.

Ad questionem 9. Divi Thome.

C U M motivum voluntatis sit causa aetuum qui ab illa procedunt, ad tractatum de actibus voluntatis pertinet agere de ejus motivo, & modo quo illa moverur. Unde de primo agemus in hac disputatione: de secundo in sequenti.

### ARTICULUS PRIMUS.

An voluntas moveatur ab intellectu & appetitu quoad specificationem, & seipsum, ac ceteras potentias quoad exercitium moveat?

N OTANDVM ex D. Thoma hinc art. 1. voluntatem moveri, nihil esse aliud quam eam reduci de potentia ad actum, & de statu indifferentiae ad statum determinationis: quare tot erunt motiones voluntatis, quot erunt ejus indifferentiae. Duplex vero est voluntatis indifferentia, una dicitur indifferentia contradictionis, quae est ad duo contradictiones opposita: scilicet agere vel non agere, amare v. g. vel non amare: alia dicitur indifferentia contrarietas, id est, ad duo contraria opposita, & est inter terminos positivos, puta agere hoc vel illud, amare vel odio habere. Igitur duplex quoque datur voluntatis determinatio, & motio, duplci jam dictæ indifferentiae correspondens: una quæ voluntas reducitur de indifferentia contradictionis; & hæc dicitur *motio quoad exercitium*, quia voluntatem, indifferentem ad agendum vel non agendum, determinat hinc & nunc ad exercendum suum actum: alia vero quæ reducitur de indifferentia contrarietas; & hæc vocatur *motio quoad specificationem*, quia voluntatem indifferentem ad plura objecta diversæ speciei, determinat potius ad unum, quam ad aliud. De hac ergo duplice voluntatis motione breviter hinc agendum est, & declarandum à quo voluntas tam quoad specifica-